

重脩
縣志
費

光緒乙未夏四月
興修丙申歲七月
雕錄板存縣學齋

重修費縣志序

費志之失修至今已二百餘年矣夫此二百年中政治之廢興風俗之移易以及夫功名節義物力財產其盛衰豐耗既不可以無紀又咸豐同治之間捻匪土匪肆擾縣境南半被荼毒者幾及十年鄉團之後繼以大兵始就廓清一時忠義之士舍性命以衛鄉閭而婦人女子亦往往舍生蹈義視死如歸斯皆綱常名教所關不當聽其湮沒儻遲之又久不惟前事愈遠而愈難稽卽此數十年間當時之人所目見耳聞者亦漸歸於泯滅固官斯土者之咎抑斯邑之士大夫亦與有責焉歲在

費縣志

序

乙未予旣攝邑篆爰進邑之士大夫相與商之咸以爲然於是採訪任之紳耆集貲任之社長越數月略有端倪檢閱舊志旣簡且疏自維謏陋不學無文加以簿書期會力亦不逮且費爲名區地理山川考證宜核然非生長斯邑者不習以酈道元之博而水經注且不免有誤況鄙陋如予敢輕言操筆乎時同年楊子翊宸實主講席更並延李子吉人朱子旭亭王子澤山受夫同爲總纂又數月乃寫有定本付之剞劂同年劉子醒山廣文與予有同志且任分輯之勞焉是志之成翊宸受夫之力爲多翊宸爲予言前令某某嘗有此願而未逮今

顧於一年之間得觀厥成豈非厚幸歟將竣事矣子適
當瓜代之期爰述其始末如此光緒二十有二年午月
二十日署知縣事保安李敬修記

重修費縣志序

邦國之志掌於小史四方之志掌於外史而土訓誦訓
得以地圖地俗地事入告以施其政令誠以一方之掌
故卽一方之人心所繫利害興廢因革損益藉資考鏡
非徒以備故府之藏已也費於禹貢爲徐州之疆域於
魯侯爲公族之分封聖人化行之邦賢人鍾毓之地學
道名區由來尙矣勝國以前典章文物蕩焉無存考古
之士恆有不信無徵之歎康熙己巳黃侯學懃慨然興
脩匆促成書不無缺略自斯迄今又二百年矣政令所
垂掌故所著若者闕利害若者肇廢興若者從因革若

費縣志

序

一

者參損益載籍無稽官斯土者何以昭法戒焉加以咸
同之間伏莽竊發幅揜構難忠臣志士捐頂糜軀貞女
烈婦完名抗節其待彰聞者實守土之事而都人士夫
亦弗能辭其責也歲丙申仲夏余奉檄權篆費邑與同
年李子濟生交相爲替聞有重修志書之舉廣文劉子
醒山院長楊子翊宸爲之輔喜其有所取資也復知其
將觀厥成也數月來邑士之賢者王子澤山受夫又以
副本屬爲刪定余才識譎陋又鞅掌於簿書辭之不獲
因於案牘餘閒緝閱一過爲序其略歸之時光緒二十
二年仲秋權知費縣事溫陵陳棨倫謹序

重修費縣志序

初余之選司費鐸也詣撫憲張勤果公公謂余子平原宿儒今議重修山東通志將何以教我余以不敏謝公固門焉乃作而言曰一統之治自州縣起一統之志亦當自州縣始康熙雍正間遞修大一統志皆

詔各省先修通志而通志之修取材各府州縣自今通飭郡守牧令凡舊志之失修者一律增修各呈新志而省志集其成易爲力矣公曰子言良是然未可以迫期也州邑之志必上有良有司下有賢紳士同心協力相與有成彬彬乎質有其文燦然大備而後作爲志乘可法而

費縣志

序

一

可傳也否則非奉行具文卽藉端生事其弊有不可勝言者故曰未可以迫期也其後果有修志以呈者皆牧令之賢者也及余來費見邑宰王又泉明府與言修志事明府曰此余之夙願也前令亦曾有是議惜此間無可與謀成者余又不才以故因循者久之迨許仲賡明府來攝是篆復談及之意見頗合將謀興舉矣會海氛孔熾左壯愍公盡節人心惶恐曹屬土匪又滋奉委團練保護鄉閭而其謀中輟歲乙未同年李濟生庶常自榆山奉檄尹茲土政平訟理時和年豐爰倡議謀興修其時王東麓刺史自江南解組歸來賈益軒大令自隴

西脫簪歸來李如三大令先自薊北奉諱家居山長楊翊宸廣文亦以高捷南宮郟漳南學篆來主講席又有李吉人孝廉朱旭亭明經等相與總理其事籌貲採訪量能分任綱舉目張規模略備便邀吉人旭亭及東麓之哲嗣受夫孝廉就書院開局協同山長依類分纂而濟生明府總其成幕友肥城范桂村佐之先是山長留心志乘隨時編輯凡有關考據者命其少君晉三昆仲集錄成帙以備修志之助茲復詳加考證參以通志府志舊志並汪氏志稿李氏文獻存徵山若河脈分條析又得及門彭贊臣親歷繪圖瞭如指掌受夫家學淵源

費縣志

序

二

見聞宏博爲山長高足除山長考訂外餘事多出其手故濟生明府志序云是志之成翊宸受夫之力爲多也舊志金石缺如今擬增補斯卷而採訪未有專責適王澤山明經自都門旋里博學好古延爲金石採訪使窮險追幽不憚勞瘁凡五閱月而所得甚夥美不勝收及歸局分纂後擬爲月集一編刊作費邑訪碑錄並擬將所採碑石俱扛集學宮構亭覆之以圖永久儻斯舉告成又爲藝林添一段佳話矣丙申春王一卿同年自大梁乞閑歸重加參訂益致周詳書竣正事開雕而李明府調補朝歌爰偕同僚諸紳煮酒相餞乞留序文明府

舉樽濡毫一揮而就擲觴與筆而上馬去矣獨此悒悒離懷不能釋然邑人士攀轅卧轍至有黯然泣下者一卿同年送行詩云使君策馬含情去父老擎杯有淚傾蓋道其實也陳劍門明府下車伊始卽訪山長諸君核度志書其識見之宏通議論之正大與舊令尹大略相同用是父母斯民前召後杜不是過矣又閱月而刻成諸紳董屬余詳敘之夫志與史相表裏史昭法戒故筆削宜嚴志備考徵故蒐羅宜廣是志也諸君廣爲蒐羅明府詳加筆削以志乘之文章寓史書之體例首載

綸恩

費縣志

序

三

巡幸以爲一邑光寵照諸志善本酌定卷次詩文各附卷末志書也而史筆具焉稿之甫脫也先卽繕清一編上之通志書局以備摭拾迄今喜觀厥成又深佩明府之深仁厚澤邑人之急公好義昇平景象宛然在目勤果公所謂良有司賢紳士未可迫期者何幸於吾身親見之哉使天下牧令盡如費宰而天下治矣盡如費宰之相承而天下可長治矣故余樂道其詳俾來者如見其盛至於閔子宰費之說原本家語實爲王肅僞作最足污辱先賢魯公仙真記採錄稗說亦未免小視魯公而學宮碑採之以王左海之文也魯公碑陰錄之以米襄陽

之書也閱者自當分別觀之是爲序光緒丙申夏六月
平原劉寶鼎撰

費縣志

序

四

費縣志原序

古人云方輿之志與國史相表裏旨哉斯言夫志以紀事事以傳信信以昭法舉一邑中利害興廢因革損益之故無不括之於志俾生於斯官於斯者如鏡如衡瞭於目而指諸掌勸戒垂焉輶軒之使觀風其地亦若燭照而數計採擇備焉邑志之所係若此蓋可忽乎哉費禹貢徐州之域爲魯侯公族分封城墮三月費首聽命固宣尼所化行處至若季孫行父相三君無失德子羽子游相得稱善以及黜之狂憲之狷子輿氏之省身守約皆生長東蒙南武間古所稱學道之邦也自勝國隆

費縣志

原序

萬而下版章散失故典無傳疆輿星野之辨山川形勝之詳政治貢賦之污隆盈縮以至風土人物典祀藝文僅旁見於斷簡殘編與夫傳聞野錄不信無徵識者以爲浩歎久矣黃令以壬子鄉薦丙寅秋分符斯邑越明年政成舉廢興墜皆有次第條理以邑乘久淹慨然捐俸請修借邑紳士考證舊聞蒐羅軼事條分縷晰各極其詳百年闕典一旦燦然大備銓次成帙求余數言弁首余繙閱竟讀嘉黃令之志而重有感焉士生斯世儻爵析圭奉

天子命來爲民社長不知盡一能効一長徒虛糜廩祿

頁

朝廷而羞當世士豈少也耶黃令以循良報最行牧沔陽余亦奉

命觀察東粵而此志剗剔適竣余旣喜得賢吏又喜此志有裨於費足爲後人鑒且爲採風者所尙也是爲序

崑

康熙二十八年己巳孟夏之吉山東分巡東兗道今陞廣東按察使司武清李煒撰

費縣志

原序

二

費縣志原序

楊侯之宰是邑也政清刑理公庭晏如綽乎其有暇也嘗披閱邑志俯而歎曰是何字多魚魯亥豕而事亦滲漏不備耶允若茲何以傳后遂卜日擇館命余校讎以復鈇梓其勞誨之厚惟欲該古今辨族類覈名實以成章顧余淮西鄙人也惡足以與于斯文哉但德音驟屆恩旨綢繆固有不得而辭者祇承之日惴惴焉惟以辱命是懼乃就謀于魏子其楫劉子銓李子嘉錄王子愼博蒐典籍參酌時制黜異釐訛而補其逸踰月乃成矣余因爲之說曰志者記也記載其事于不忘者也古者

費縣志

原序

一

列國皆有史以記時事茲非其遺意也與余嘗覽其凡而願舉其切焉夫費縣之地多山川志以記山川則有高峰入雲清流見底者焉因山川而產人物則記其鍾靈毓秀規圓矩方之英也因山川而來流寓則記其採薇茹芝日光玉潔之人也關於邑之政事者記學校則見其振德孔殷懇懇以責其成記農桑則見其禾稼根株菽野盈疇時育以待其用記風俗則見其淳樸敦龐之底于治焉記里社則見其地闢民聚男耕女織之遂其生焉記徭稅則見其出納惟允日力不爽審量詳度之得其平焉記營建則見其取彼材木就此規畫不傷

財不害民之各新其制焉茲固是志之大觀也嗣是而
記魯公爲仙似若可疑殊不知天地間凡可毀者形也
其不可毀者理與氣也公之被害也持其形之毀焉耳
剛大之氣固與天地常存而人之見之者亦氣之感遇
而聚焉者也豈必煉精悟真控鶴騎羊白日飛昇然后
謂之仙耶魯公忠矣臣之準也記有仲由曾閔則聞而
知之者或以之負米或以之耕養或以之善事後母而
老萊之寓則以之戲娛以安親矣茲志行而民興孝此
非其切於日用之常者乎數子之孝信能修之於家而
爲愚夫愚婦之可與知與能者也夫舜有大焉今之歷

山舜嘗畊之今之雷澤舜亦漁焉夫舜以聖人之德自
畊稼陶漁以至爲帝而尊富享保之兼全而孝大矣誠
使雞鳴而起孳孳以爲善焉則亦寧非舜之徒也與要
之山川之形勝動靜之理也一感遇焉而仁知滿矣人
物之稱述則先民之遺矩攸在而激勸之典常存隱逸
萃止本幽人之貞而廉頑起懦之風實賴之也政事之
均則以俟后之君子而人得蒙至治之澤忠孝之傳則
以啟后之來學而人得聞大道之要是志也者夫豈託
之空言而無益于實用也哉又豈徒小補于茲邑而無
關於天下也哉此侯之所用以修緝者也乃若侯之善

政固已列之薦剡登諸紀錄矣余亦不敢以復贅楊侯
諱果字汝實號槐泉山西陽曲人其二之者則高兩川
諱朝用字晉卿斯人也交河之雋而實有功于贊政者
法得以均書教諭施伯祚撰

原跋

黃侯修費志監司李公序之詳矣余何敢贅獨念乘
史乃一邑公事紳士大室皆與有責焉共謀捐貲以
勸厥成亦其義所宜然初亦有爲是說以進者侯斷
然以爲不可曰若此則志將有不可問者矣嗟乎非
讀書有識不能爲是言非爲善有力亦烏能爲是事
耶方今職官之俸原自無多費邑瘠疲尤有難者侯
獨食無兼味衣必澣濯而犁棗梓刊之經費竟以身
任之而不求助於人以

朝廷養廉之資爲職方載籍之傳此豈俗吏所能爲者
費縣志

原跋

一

於是徵文考獻取其有關名教而浮華之辭所不錄
矣節義孝行取其實蹟輝煌而附會之說所必誄矣
古蹟先賢取其經史可據而傳聞之誤所必折矣直
指微言悉以見忠厚至意雖哀集校讎有其人而總
受裁於我侯慎審之一心是以書成而披讀之下覽
其民情土俗而聿觀其丕變覽其山高水長而如被
其清風以是知

朝廷題柱而特簡之者良有以也余親承其下而樂觀
其成敬進一言以識其後費縣儒學訓導王玉謹識

原修費縣志官紳銜名

知費縣事南陵黃學勤敏若纂修

儒學教諭李瑞輯五 全校

儒學訓導王玉荆石

儒學廩膳生員王簡 叅訂

歲貢 士陳介吉 採輯

邱吉生 採輯

劉澄清 採輯

儒學廩膳生員王克振 採輯

儒學生員孫鏤 採輯

費縣志

姓氏

一

朱得舒 採輯

王璋 採輯

魏袞 採輯

典 史高拱極 督梓

毛陽鎮巡檢朱鵬孫 全督梓

關陽鎮巡檢張養蘊

吏房書朱淑憲膳稿
禮房吏尹秉心鳩工

重修費縣志職銜姓氏

總纂

賜進士出身同知銜署理費縣知縣李敬修
參定

同知銜署理費縣知縣癸酉科優貢陳榮倫
協理

費縣教諭辛酉科拔貢劉寶鼎

五品銜費縣訓導歲貢楊乃麟

藍翎同知銜前任甘肅皋蘭縣知縣甲戌科進士賈汝謙

五品銜前任河南襄城縣知縣庚午科舉人辛酉科拔貢王薪傳

費縣志

職銜姓氏

四品銜知府用江蘇候補同知直隸州知州前任邳州知州王肇震

同知銜前任直隸欒城縣知縣李琢

五品銜候選布政司理問王英遠

江蘇候補典史陳家城

六品銜監生李猷

撰次

肥城縣學優廩生范鴻林

截取知縣前任恩縣教諭丙戌科進士楊佑廷

候選教諭庚午科舉人李成信

戊子科副貢癸酉科拔貢朱駿

辛卯科舉 人王景祐

撰次兼總訪金石并蒐遺

候選教諭乙酉科拔貢王咸昌

總訪山水

廩膳生 員彭美襄

監梓

五品銜主簿用費縣典史趙德馨

藍翎五品銜費縣汛把總孫士廉

理局 兼採訪籌款

六品頂戴候補把總王登豐

費縣志

職銜姓氏

二

附學 生 員趙漢圖

各社採訪

辛卯科舉人莊清吉 甲午科舉人孫紹康

試用訓導廩貢林光照 議敘主簿附生王相如

五品藍翎縣丞增貢聞魯瞻 六品頂戴周佑臣

六品銜庠生姚省齋 六品銜監生殷澄泰

六品頂戴監生趙連三 從九品李啟俸

奎文閣典籍王冠瀛 四氏學附學生孔昭禮

恩貢生龐綏來 例貢生李啟鴻 李殿梁

歲貢生顧金鏡 楊鳳綸 孫鼎榮 高自新